

於潛縣志卷六

祠墓志

記曰因物之精制為之極明名鬼神以為黔首則教民復古復始不忘所有生也膺民社之責者務其三時修其五教於遵奉常祀外有水旱之禱災厲之弭春秋之祈報先成民而後致力於神是以民和而神降之福至名人邱墓遺愛所存樵牧有禁類而誌之令邑之人過祠則下過墓則式謹敬而無事諂瀆斯得耳

於潛縣志卷六

祠墓

一一一

壇廟

先農壇在鎮郭溪南

國朝雍正六年知縣王自麒奉

文建立正祠三間左右翼二間供先農炎帝神農氏

厲山氏后稷氏之神壇高三尺周以垣牆門南向壇

前並置藉田四畝九分每歲仲春吉亥日知縣率各

官致祭行九推禮孟夏行常雩禮

所收藉田租抵銷祭祀銀四兩如有

剩餘解

司報銷

社稷壇在西門外駱駝橋左舊在縣西寶城里宋建縣

西元改置今所壇制東西二丈五尺南北如之高三

尺四出陞各三級四面周繚以垣外設四門壇上石
主北向長一丈二尺五寸上留圓尖餘埋土中春秋
仲月上戊致祭壇地通共三畝二分八釐另東至金
姓行路三十八弓西至金姓地三十
八弓南至官路二十三弓北至
金姓田二十四弓張崑玉續志

風雲雷雨山川壇南南門外東南陽山西麓舊在縣南
一里金鵝山下明洪武二年建於迎恩坊五年縣丞
趙義徙建令處壇制南向唯不設石主餘與社壇畧
同祭期同上壇地東至盛姓二十四弓西至張姓墳
地二十四弓南至康姓田八弓北至胡
姓地九弓三尺
張崑玉續志

於潛縣志卷六 祠墓

二 三

邑厲壇在縣北石龍塢口明嘉靖二十七年合汪炎重
建每歲清明日七月望十月朔奉城隍神位至壇主
祭邑中無祀鬼神於壇下壇制畧同上無垣墻壇地
東至
官路十五弓西至金姓墳塢十弓二尺南至官路
十三弓三尺北至養濟院十一弓張崑玉續志

文昌祠在學宮 國朝嘉慶六年奉文春秋致祭如武
廟禮道崇三代并朔望行香 一在嘉前鄉勉上嶺
北康熙甲申年俞姓建一在嘉後上塢塢馮姓建一
在波前鄉下太陽一在豐後龍潭頭西吳姓建波後
紹路西有文武閣

關帝廟在治西二十步舊係府館廢墓 國朝順治初

建廳二進中設神位每歲春秋二仲月五月十三日

太牢致祭雍正三年

勅封帝曾祖祖父三代公爵建啓聖祠三間於廟左先

時致祭

祠外餘地東至譙樓十一弓三尺西至金周

北至章姓地十一弓康熙二十四年將廟西空隙餘

地南北各四弓與附近居民金周張等易田三畝另

入祠供稅今廟外餘地悉係民佃租 凡邑中橫

塘藻溪鎮岸橋太陽舖更樓邊秧田塢口盛村景
村百花潭麻車埠皆有祠廟一在縣北
大有村乾隆三十三年庠生金鼎創建

蠶神祠在南陽山向附城隍廟後殿 國朝嘉慶六年

於潛縣志

卷六

祠墓

三

三

奉文立祠致祭十年冬邑令蔣光弼屬董事趙燦張

綏陳宇泰等創建

以上皆載祀典奉禮部頒期致祭

城隍廟在縣治西街舊在治東宋隆興中令葉衡徙今

處元至正十月兵燬明初勅封鑒察司民城隍顯祐

伯洪武三年令梁誠重建 國朝康熙三年修嘉慶

十二年拆造甬通前庭重修正殿

明洪武二年勅書 勅曰帝王受天明

命行政教於天下必有生聖之瑞受命之符此天示

不言之妙而人見聞所及者也神司淑慝為天降祥
亦必受天之命所謂明有禮樂幽有鬼神天道人道
其致一也朕臨蒞四方雖明習勿類代天理物之道

實屢於衣思膺天命此神所鑒而簡在帝心者厥類
惟彰尤資幽贊有其舉之罔敢隕越茲以臨御之初
與天更始凡城隍之神咸新其命爾寶緒折衝疆場
捐軀報國特封爲鑒察司民於潛縣城隍顯祐伯顯
則威靈丕著祐則福澤溥施此固神之德而亦天之
命也享茲祀典悠久無疆主者施行 邑貢生趙元
奮記 畧寓內凡城隍尊神而都而郡而邑靡不靈人
亦靡不畏且敬吾邑神猶靈異捍患禦災應如桴鼓
邑有不軌者攝之輒斃時夜間輒捷盈耳云鼎革以
來屯集駐兵箬箬突砌塵土蔽階陳子聿聞議建造
營細柳告玉而梵鑿始遷但毀人將比丹青剝落幸
雍君暉如金子楚卿力勸陳子毅圖修葺拮据三載
而殿廡棖榭庑垣殆乎改觀煌麗逾昔
自是神靈妥而士民皆受祐無疆矣

包孝肅公祠在縣署譙樓左祀宋龍圖閣學士包拯每
歲三月初八日邑人致祭出會演劇 一在惟後鄉

於潛縣志

卷六

祠墓

四

二二

丹楓菴右菴內向有公像康熙丁丑夏旱甚祈雨響
應士民建專祠奉之一在塘湖撩車橋一在嘉前普
照寺

普惠王廟在天目山嘉前鄉祀天目山神梁乾化五年

錢武肅王奏請於朝例封王號

表見藝文別錄

國朝嘉慶

六年奉撫憲阮飭於潛縣令赴山致祭十四年二月

八月復奉撫憲阮遣官致祭

祭文

維 大清嘉慶十四年歲次己巳春

二月丁卯朔越二十有八日戊午兵部侍郎兼都察
院石副都御史浙江巡撫部院阮元謹以少年之儀
致祭於 天目山神曰天目兩山作鎮杭湖出雲降
雨儲於具區惟吳淞口入海尾閘洞天福地神明所

都雷與電掣龍起雲浮開晦霽陰風收驅除宜晴而晴野無沮洳宜雨而雨曩立蘇神功聖德祐民非虛近年數郡水旱甚虞田未豐獲潦浸田廬長吏省愆政刑有渝未能感召致鮮嘉符今致潔蠲民隱上疏香醴入山牲帛載途拜求靈祐惠此越吳蠶桑倍收支厝大餘功祐聖世恩及農夫疆吏祈報謹竭其愚尚饗

昭應廟在天目山下祀天目山龍神或云卽古至道宮

也宋崇寧三年賜額政和勅封淵源侯累封廣祐霸

濟孚惠王元每歲春秋有司致祭

元遣侍郎虞儔祈雨石刻謝雨詩

首列神座下舊志載錢思復名

靈惠廟縣西南三十五里舊爲浪山龍神祠宋紹興間

於潛縣志

卷六

祠墓

五

三

令邵文炳以靈應聞於朝嘉德元年賜額元重建以特致祭

靈濟山廟縣西十八里西菩山宋嘉熙己亥淳祐庚子皆大旱禱雨有應重修廟祠寶祐丁巳請於朝勅賜

廟號

章鑑記見善文別錄

忠靖王廟在縣西太陽村祀唐揚州大都督睢陽張中丞巡神顯於宋汴京南渡後各邑奉祀之七月二十四日誕辰居民致祭聚會酬願百貨貿易集焉在嘉後鄉仁山嶺亦然

元帝廟在波前鄉龍翔嶺 一在上太陽 一在波後紹
路溪西

齊王廟在波前泥鐘

皇甫君祠縣東十五里南天目祀漢皇甫嵩討平妖賊

許生於平越後人各其岩曰皇甫岩記公功也初立

祠於山頂宋崇寧間徙於姚家巷慶元年間又徙於

資聖院左別祠十有一 吳度記 見藝文 國朝康熙年間建

於趙村土地橋厲壇之南 宋吳度記 見藝文

任府君廟有二皆在縣南祀梁任昉郡志曰昉字彥升

於潛縣志卷六 祠墓 六 三

為新安太守政清白吏民便之立祠祀焉祠當在新

安或曰風及鄰邑故亦祀之

虞府君廟縣十五里殿山頂舊載祀漢虞詡今其水名

虞溪廟有古柏蒼秀相傳漢時所植

按前志詡字長孺東漢名臣然與本邑無涉也洪

忠文題名記曰東漢虞府君為吾邑長吏甚有遺

愛此為近之

祠山別廟在豐國後鄉祀唐張燾

三賢祠縣西一里野翁亭之右宋刁璠毛國華為合有

德政蘇公倅杭行縣賦詩美之慶元初令趙倓立菴
刁祠名二賢堂開禧二年令胡衛增毛長官像改曰
三賢堂昏秋仲丁學官致祭成化舊志今廢
二賢祠縣南半里宋令葉衡爲民除無名錢邵文炳爲
減山鄉折米之值民思之立祠

柯相公廟在大溜

白沙廟在白山

天妃別廟在縣西觀山上宋咸淳間建元至正初夏旱
浙省守臣遣使致禱雨遂沾足有黃潛禱雨石刻成化

於潛縣志

卷六

祠墓

七

三

志

五顯廟在西門外今廢 一在川後鄉樂平村桐柏巷

三皇廟在坊郭

徐偃王廟有二皆在縣西十五里元和姓纂曰偃王後
居於潛爲望族廟皆徐氏建

周宣靈王廟在天目山南龍源橋東王姓周名雄杭之
新城淶渚人宋嘉定四年爲母疾走祈於婺源五顯
廟回至衢州而卒附童言曰五顯靈威須我輔翼生
不封侯死當廟食郡人於是立廟以屢顯靈進封王

爵錢養濂序文云宋季銳志恢復抑鬱以死

昭明太子祠在昭明峯下有洗眼池匾曰靈治旁列崔

張二丞亦有像

宋徐保義宰是邑捍禦方臘金人有功繪像於城隍廟

廡名全節祠見成化志各志俱失載今附識於此

真君廟在縣北三十二里象鼻山上順治年間邑人金

尚兼尙鵬創建

大王廟在縣北三十里大有村雙溪口康熙年間金體

乾創建乾隆五十一年貢生金翔鳳重修

於漑縣志卷六

祠墓

八

二二

鄉社壇

凡一十有二

坊郭鄉在社稷壇左嘉前鄉在遠

社嶺

嘉後鄉在沈村

惟前鄉在泥塢村

惟後

鄉在田畝村

波前鄉在更樓邊

明萬曆二十四年易青山塢口其舊

址奉憲變價建造西常平倉訖

波後鄉在敖干村

豐前鄉在亭

口村

豐後鄉在趙村

下村土地廟橋

川前鄉在新村

川後鄉在盛村

長前鄉在印渚埠

土地廟前

鄉厲壇

凡一十有二

坊郭鄉在仰山廟前

見前邑厲壇

嘉前

鄉在蠻口村

嘉後鄉在沈村

惟前鄉在後干息

嶺塢

惟後鄉在田坂村

波前鄉在青山塢口

波後鄉在敖干村

豐前鄉在亭口村

豐後鄉在

趙村土地廟前

川前鄉在牧亭湖園

川後鄉在

上浦

長前鄉在朱子塢口

名墓

漢牧亭侯何騰墓在縣南二十里獨角山霽帝中平元

年從破黃巾絜家渡江至潛受紀鄉居焉詔封牧亭

侯建安十六年卒葬於村之溪西

今名湯家村

元孫文建

仕晉為吏部尚書以祖勲奏聞勅命獨角山墓圖題

功績賜祭子孫藏之

國朝乾隆三十五年墓為居

於潛縣志卷六

祠墓

九

三

民侵削邑令按圖清址鋤土三尺獲石碑勒漢何騰

之墓由是修築一新焉子何鎮襲封侯墓在山左之

阿亦碑刊牧亭侯字

晉趙叅軍墓在縣東二十里郡志云故者相傳趙宣子

墓舊有虛築二十五古溝五通人往來泉流不竭石

人石獸之類頽仆草莽鄉人鑿而徙之後於其地得

陶甃二有咸和二年九月叅軍趙悌建立塚功十四

字乃知為趙叅軍墓也

晉何史君墓在縣東一里南陽山宋淳熙八年駱忠翊

嗣業創祀山別廟於南陽山獲古塚陶甃有太康五年甲辰何史君墓十字

晉關中侯墓在縣東一里東山塢紹興初謝氏營墳旁通古塚掘得一劍一印龜紐商金篆文曰關中侯印唐山東南道從事章成緬墓在縣南七十里長安鄉兌口村章家山下又章成緬墓母王氏墓亦在兌口名孝墓村卽孝標倚廬處有紫芝烏鵲麋鹿之異進士阮真墓在滴翠峯下烏息寺左中隴並圩五穴

庠生謝祚杏記

於潛縣志

卷六

祠墓

十

二

吳越國太師吳敬忠墓在縣南豐國後鄉東村

宋端明殿學士忠文公洪咨夔墓在縣北三十五里嘉

前鄉載入防護錄墓側舊有祭田碑在褒忠院

翰林學士盛如杞墓在縣北十五里紹路村前

於潛縣令趙坑墓在棠公山係趙清獻公汴長子卒

於官墓此其子守廬遂家焉

禮部侍郎文安公趙景緯墓在縣北五里棠公山西

坂載入防護錄

明松溪縣令張紳墓在縣治西郭門

刑科給事中阮子孝墓 在縣北嘉前鄉溪西今查明在留西門下首朱希塢口

宋進士駱觀墓在惟前鄉牙里下蘇塢

明義士阮直墓在縣北登雲村後三台峯下

國朝禮部主事何爾彬墓

江西高安縣令盛鍾賢墓在紹路前坑園裡

處州府雲和縣訓導譙廷謨墓 在溪西村松盤山之麓

明雲南沅江府同知朱萬鎰墓在縣北五十里維前鄉

溪西塢 萬鎰安徽寧國縣人宦蹟載寧國郡志同封公未一桂子朱邦亮孫朱志光合墓

義士方宏清墓在室干薛家坑

於潛縣志卷六 祠墓

義塚 今各滿釋園奉憲立佛

坊郭鄉宋崇寧間置在縣南三里元廢明洪武初重設

於鎮郭南大成山 建塔一座并屋三間 又石橋頭一所 係豐後里人向

華山 茅亭一所 坊郭鄉里人陳慶元董建 又縣北三里石浪塢裡

一所 乾隆三十一年建男塔一座並用石版築砌鮑奕載捐銀一百兩其餘建造完工及

塔基地畝 助田九分以為清明祭費俱係波後鄉職員趙良仁捐施立戶趙氏完糧

嘉德前鄉 在朱希塢口乾隆三十三年里人建塔於

峻坎 嘉慶十四年教諭李江記嘉德前鄉天目山之麓有隙地日峻坎上為留西門下開倪家宕地介其間幽阻多古墓無祭掃者乾隆三十三年間里

人俞諱錫城洪諱鍾二君子共發仁心創施義舉捐

贊為一鄉倡即其地鑿石開壇設亭建塔立義塚以
瘞暴骸惟是事經創始未廣規模漸即荒廢歲戊辰
洪俞二公哲嗣楚望挺輝先人遺澤哀集同人更擴
充之峻坎之上買地三分建塔周遭石圍之高一丈
大尺下墾石臺再下為大路自下而上砌步梯七級
塔後又勸助義山二分為塔護計坎之側造厝屋三
間路下建亭數椽以便行人憩息是舉也立有冊戶
置有田畝凡同志為善者與焉名曰廣仁會夫仁人
利濟首血無依聖訓昭垂不忘代續是以澤國稱慈
主之德埋瘞為王政之仁古人行事亦不遺此合洪
俞二君始終其事相與有成擴地鳩工一徵完善
其為義舉何如耶爰敘其事鐫之石以垂永久

嘉德後鄉

惟新前鄉

在下後干

建塔一座 一在謝家橋南
厝屋三間 一在塔村南

黃泥坎

四圍築
牆安放

樓山脚

建塔一座
厝屋一間

於潛縣志

卷六

祠墓

十一

三

惟新後鄉

波亭前鄉

一在秧田隴

一在排嶺頭

波亭後鄉

豐國前鄉

在梅樹下東首

向有塔一座嘉慶八年里
人宋邦和添建厝屋三間

豐國後鄉

一在趙村土地橋

一在九里碑牌地

潛川前鄉

在新村上

潛川後鄉

在青山埠陽山黃泥坎田後山地上

長安前鄉

嘉德後鄉

在仁山嶺橋上坎

嘉慶十八年金門記潛
邑十二鄉各有義塚在

嘉德後鄉耆唐時設於仁山嶺之半塢至明天啓年間廢乾隆四十五年里人俞良楹憫孤骸暴露與陳應德周起蛟徐士芳陳再年阮可任等共發仁心創建義塚於仁山嶺之西北隅置墓田三分墓田一分計南十八弓北十三弓西六弓東十五弓五尺塚旁造厝屋三間四十九年冬俞良楹屢久而又廢復間周起蛟捐置祭田五畝有奇名曰廣濟會每年租息作春秋祭掃之資餘爲收骨入塚費是事也非俞良楹不克創其始非周起蛟不能圖其終立塚置田設會誠弗替之義舉也爰記之以垂於後

於潛縣志卷六終

於潛縣志卷六

洞墓

三

三